



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-51/18

Vogošća, 15.02.2018. godine

Na osnovu člana 69. stav 2. tačka tačka d), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 15.02.2018. godine donio je

**ODLUKU
O PONIŠTENJU POSTUPKA JAVNE NABAVKE PRUŽANJA USLUGE HVATANJA,
ZBRINJAVANJA, KASTRACIJE, STERILIZACIJE, LIJEČENJA, UDOMLJAVANJA I
EUTANAZIJE PASA LUTALICA SA PODRUČJA OPĆINE VOGOŠĆA**

Član 1.

Poništava se postupak javne nabavke po Konkurentskom zahtjevu za dostavu ponuda za pružanje usluge hvatanja, zbrinjavanja, kastracije, sterilizacije, liječenja, udomljavanja i eutanazije pasa lutalica sa područja općine Vogošća broj: 07-14-51/18, jer pristigla ponuda nije prihvatljiva.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Općinski načelnik je dana 30.01.2018. godine donio Odluku o pokretanju postupka Konkurentskog zahtjeva za dostavu ponuda za pružanje usluge hvatanja, zbrinjavanja, kastracije, sterilizacije, liječenja, udomljavanja i eutanazije pasa lutalica sa područja općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 30.01.2018. godine pod brojem: 1353-7-2-9-3-17/18.

Tendersku dokumentaciju sa Portala javnih nabavki BiH su preuzela 3 (tri) ponuđača.

Krajnji rok za prijem ponuda je bio 09.02.2018. godine do 14:00 sati.

Na prvoj sjednici Komisije za javne nabavke prilikom otvaranja ponuda dana 09.02.2018. godine, konstatovano je da je pristigla jedna ponuda i to ponuđača "Veterinarska stanica Novi Grad" d.o.o. Sarajevo, broj int. knjige 61/18, sa ponuđenom ukupnom cijenom nabavke od 40.598,25 KM bez uračunatog PDV-a.

Komisija za javne nabavke je zatim pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-51/18 iz januara 2018. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponuda ponuđača "Veterinarska stanica Novi Grad" d.o.o. Sarajevo ne ispunjava formalno-pravne uslove tražene Tenderskom dokumentacijom, te da je u skladu sa

odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetnu ponudu potrebno odbaciti iz sljedećih razloga:

- Tačkom 7.2.1. TD, a u skladu sa članom 46. Zakona, traženo je da se uz ponudu dostavi dokaz o registraciji u odgovarajućem profesionalnom ili drugom registru u zemlji u kojoj je ponuđač registrovan ili da se obezbjedi posebna izjava ili potvrda nadležnog organa kojom se dokazuje pravo ponuđača da obavlja profesionalnu djelatnost, koja je u vezi sa predmetom nabavke. Dokazi koji su traženi moraju biti originali ili ovjerene kopije ne starije od tri mjeseca računajući od dana podnošenja ponude.

Ponuđač "Veterinarska stanica Novi Grad" d.o.o. Sarajevo je u svojoj ponudi (strana 19-21 ponude) dostavio Aktuelni izvod iz sudskog registra koji nije ovjeren od strane nadležnog organa. Dakle, radi se o običnoj kopiji dokumenta koja je starija od tri mjeseca, i samim tim u koliziji sa traženim zahtjevom Ugovornog organa iz TD.

- Tačkom 7.3.2. TD, a u skladu sa članom 47. Zakona, traženo je da se uz ponudu dostavi:
 - a) Izjava na obrascu ponuđača o ostvarenom prometu pružanja usluga, koji su u vezi sa predmetnom nabavkom u posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine;
 - b) Izvještaj Centralne banke BiH da račun/i ponuđača nisu blokirani u zadnjih 90 (devedeset) dana-računajući od dana objavljivanja obavještenja o javnoj nabavci.

Ponuđač "Veterinarska stanica Novi Grad" d.o.o. Sarajevo u svojoj ponudi nije dostavio ni jednu od traženih stavki.

- Tačkom 7.4.2. TD traženo je da se u svrhu dokazivanja ispunjenja uslova iz tačke 7.4.1. dostavi spisak izvršenih ugovora u ukupnom iznosu od 42.000,00 KM bez PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrđama o izvršenim ugovorima od strane krajnjeg korisnika u skladu sa članom 48. stav 2. Zakona.

Ponuđač je u svojoj ponudi (strana 14 ponude) dostavio spisak izvršenih Ugovora, ali uz referenc listu nisu dostavljene tražene potvrde o izvršenim ugovorima od strane krajnjeg korisnika u skladu sa članom 48. stav 2. Zakona.

- Tačkom 7.4.2. pod b) TD a u svrhu dokazivanja ispunjenja uslova iz tačke 7.4.1. traženo je da se dostave:
 - Kopije diploma za 3 (tri) lica VSS VII stepen-doktor veterinarske medicine, Licence izdate od Ministarstva poljoprivrede, vodoprivrede i šumarstva Federacije BiH da su ovlašteni službenici za obavljanje poslova u higijenskom servisu, odnosno kopije diploma za visoko obrazovanje najmanje drugog ciklusa Bolonjskog sistema studiranja (koji se vrednuje sa 300 ECTS bodova) smjer doktor veterinarske medicine i Licence izdate od Ministarstva poljoprivrede, vodoprivrede i šumarstva Federacije BiH da su ovlašteni službenici za obavljanje poslova u higijenskom servisu;
 - Kopije Potvrda o izvršenoj obuci za 5 (pet) hvatača pasa izdate od nadležne veterinarske stanice putem Komisije formirane od doktora veterinarske medicine.

Ponuđač je u svojoj ponudi propustio da dostavi 2 diplome za tražena lica VSS VII stepen-doktor veterinarske medicine (dostavljene su samo tražene Licence).

Također, ponuđač je u svojoj ponudi propustio da dostavi kopije Potvrda o izvršenoj obuci za 2 hvatača pasa izdate od nadležne veterinarske stanice putem Komisije formirane od doktora veterinarske medicine (uz ponudu su dostavljena 3 Uvjerenja/Potvrde od ukupno 5 zahtjevanih TD).

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke pružanja usluge hvatanja, zbrinjavanja, kastracije, sterilizacije, liječenja, udomljavanja i eutanazije pasa lotalica sa područja općine Vogošća, iz razloga jer pristigla ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).


Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Veterinarska stanica Novi Grad" d.o.o. Sarajevo
2. Nadležnoj Službi
3. U dosije
4. a/a

033/586-885

OPĆINSKI NAČELNIK


EDIN SMAJIC